



ПОСЛЕДОВАНИЕ
СВЯТАГО ЕЛЕА,
СОВЕРШАЕМОЕ ПОСКОРУ

Последование святаго елея, совершаемое поскорю.



Священник, облечен в епитрахиль и поручи (аще возможно, то и в фелонь), начинает:

Благословен Бог наш всегда, ныне и присно и во веки веков.

И начало обычное.

Поем Аллилуна, глас 6.

Стих 1: Господи, да не яростию Твоею обличиши мене, ниже гневом Твоим накажешо мене.

Стих 2: Помилуй мя, Господи, яко немощен есмь.

И тропарь, глас 4:

Скорый в заступлении един сый, Христе, скорое свыше покажи посещение страждущему рабу Твоему (или страждущей рабе Твоей), избави недугов, и горьких болезней; воздвигни во еже пети Тя и славити непрестанно, молитвами Богородицы, Едине Человеколюбче.

Таже:

Жиром Господу помолимся.

Господи, помилуй.

О свышнем мире и спасении душ наших, Господу помолимся.

Господи, помилуй.

О мире всего мира, благостоянии Святых Божних Церквей и соединении всех, Господу помолимся.

Господи, помилуй.

О Великом господине и отце нашем Святейшем Патриарсе
Кирилле, и о господине нашем (высоко) преосвященнейшем
митрополите (архиепископе, епископе) **имярек**, честнем
пресвитерстве, во Христе диаконстве, и о всем причте и людех,
Господу помолимся.

Господи, помилуй.

О еже благословитися елю ему силою и действием и наитием
Святаго Духа, Господу помолимся.

Господи, помилуй.

О рабе Божии (о рабе Божией) **имярек**, и о еже в Бозе
посещении его (или: ея), и еже приити на него (или: на ню)
благодати Святаго Духа, Господу помолимся.

Господи, помилуй.

О еже избавитися ему же (или: ей же) и нам от всякия
скорби, гнева и нужды, Господу помолимся.

Господи, помилуй.

Заступи, спаси, помилуй, и сохрани его (или: ю) и нас, Боже,
Твоею благодатию.

Господи, помилуй.

Пресвятую, Пречистую, Преблагословенную, Славную
Владычицу нашу Богородицу и Приснодеву Марию, со всеми
святыми помянувшие, сами себе, и друг друга, и весь живот
наш Христу Богу предадим.

Тебе, Господи.

**И авие нереѣ влагает вино (или воду) в елей, благословляет
его и глаголет молитву:**

**Господи, милостию и щедротами Твоими исцеляяй
сокрушения душ и телес наших; Сам Владыко, освяти елей
сей, якоже быти помазующимся от него во исцеление, и в
пременение всякия страсти, скверны плоти и духа, и всякаго
зла; да и в сем прославится Твое Пресвятое Имя, Отца и
Сына и Святаго Духа, ныне и присно и во веки веков,
аминь.**

Таже:

Конмем. Мир всем. [И духови твоему.]

Премудрость.

Прокимен, глас 1: Буди, Господи, милость Твоя на нас,
якоже уповахом на Тя.

Отих: Радуйтеся праведнии о Господе, правым подобает
похвала.

Премудрость.

Соворнаго послания Иаковля чтение (зачало 57)

Конмем.

**Братие, образ примите злострадания и долготерпения,
пророки, иже глаголаша именем Господним. Се блажим
терпящия: терпение Иовле слышасте, и кончину Господню
видесте, яко многомилостив есть Господь, и щедр. Прежде же
всех, братия моя, не кленитесь ни небом, ни землею, ни**

иною кою клятвою. Буди же вам, еже ей, ей, и еже ни, ни: да не в лицемерие впадете. Злостраждет ли кто в вас: да молитву деет. Благодушествует ли кто: да поет. Болит ли кто в вас: да призовет пресвитеры церковныя. И да молитву сотворят над ним, помазавше его елеем во Имя Господне. И молитва веры спасет болящаго. И воздвигнет его Господь, и аще грехи будет сотворил, отпустятся ему. Исповедайте убо друг другу согрешения, и молитесь друг за друга, яко да исцелеете: много бо может молитва праведнаго поспешествуема.

Ир ти. [И духови твоему.]

Аллилуя, глас 8.

Стіх: Милость и суд воспою Тебе, Господи.

Премудрость, прости. Услышим святаго Евангелія.

От Марка святаго Евангелія чтение (зачало 23).

Слава Тебе, Господи, слава Тебе.

Вонмем.

Во время оно, призва Иисус обанадесяте, и начат их посылати два два: и даяше им власть над дүхи нечистыми. И заповеда им, да ничесоже возьмүт на пүть, токмо жезл един: ни пиры, ни хлеба, ни при поясе меди: Но обүвени в сандалия, и не облачитися в две ризе. И глаголаше им: идеже аще внидете в дом, тү пребывайте, дондеже изыдете оттүду. И елицы аще не примүт вы, ниже послушают вас, исходяще

ОТТУДУ, ОТТРАСИТЕ ПРАХ, ИЖЕ ПОД НОГАМИ ВАШИМИ, ВО СВИДЕТЕЛЬСТВО ИМ. АМИНЬ ГЛАГОЛЮ ВАМ: ОТРАДНЕЕ БУДЕТ БОДОМОМ И ГОМОРОМ В ДЕНЬ СУДНЫЙ, НЕЖЕ ГРАДУ ТОМУ. И ИЗШЕДШЕ ПРОПОВЕДАХУ, ДА ПОКАЮТСЯ: И БЕСЫ МНОГИ ИЗГОНЯХУ. И МАЗАХУ МАСЛОМ МНОГИ НЕДУЖНЫЯ, И ИЩЕЛЕВАХУ.
СЛАВА ТЕБЕ, ГОСПОДИ, СЛАВА ТЕБЕ.

И ЕКТЕНИЯ:

ПОМИЛУЙ НАС, БОЖЕ, ПО ВЕЛИЦЕЙ МИЛОСТИ ТВОЕЙ, МОЛИМ ТИ СЯ, УСЛУШИ И ПОМИЛУЙ.

Господи, помилуй, трижды.

ЕЩЕ МОЛИМСЯ О МИЛОСТИ, ЖИЗНИ, МИРЕ, ЗДРАВНИ, СПАСЕНИИ, ПОСЕЩЕНИИ И ОСТАВЛЕНИИ ГРЕХОВ РАБА БОЖИЯ (РАБЫ БОЖИЕЙ),

ИМЯРЕК.

Господи, помилуй, трижды.

О ЕЖЕ ПРОСТИТСЯ ЕМУ (ЕЙ) ВСЯКОМУ СОГРЕШЕНИЮ, ВОЛЬНОМУ И НЕВОЛЬНОМУ, ГОСПОДУ ПОМОЛИМСЯ.

Господи, помилуй, трижды.

ЯКО МИЛОСТИВ И ЧЕЛОВЕКОЛЮБЕЦ БОГ ЕСИ, И ТЕБЕ СЛАВУ ВОЗСЫЛАЕМ, ОТЦУ, И СЫНУ, И СВЯТОМУ ДУХУ, НЫНЕ И ПРИСНО, И ВО ВЕКИ ВЕКОВ. АМИНЬ.

И МОЛИТВА:

ВЛАДИКО ВСЕДЕРЖИТЕЛЮ, СВЯТЫЙ ЦАРЮ, НАКАЗУЯЙ И НЕ УМЕРЩВЛЯЯЙ, УТВЕРЖДАЯЙ НИЗПАДАЮЩИЯ, И ВОЗВОДАЯЙ НИЗВЕРЖЕННЫЯ, ТЕЛЕСНЫЯ СКОРБИ ИСПРАВЛЯЯЙ ЧЕЛОВЕКОВ;

молимся Тебе, Боже наш, яко да наведеши милость Твою на елей сей, и на помазующияся от него во Имя Твое: да будет им во исцеление души же и тела, и во очищение и изменение всякия страсти, и всякаго недуга, и язи, и всякия скверны плоти и духа. Ей, Господи, врачевную Твою силу с небесе низпосли, прикоснися телеси, угаси огневицу, укроти страсть, и всякую немощь таящуюся. Буди врач раба Твоего (рабы Твоея) **имярек**, воздвигни его (ю) от одра болезненнаго и от ложа озлобления цела и всесовершенна (целу и всесовершенну), даруй его (ю) Церкви Твоей благоугождающа и творяща (благоугождающу и творящу) волю Твою.

Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

И по молитве возьмет нереи струеца и, омочив и во святой елей, помазует болящаго крестообразно: на челе, на ноздрях, на ланитех, на устех, на персех, на руках на обе стране, глаголя молитву сию:

Отче Святой, Врачу душ и телес, пославый Единороднаго Твоего Сына, Господа нашего Иисуса Христа, всякий недуг исцеляющаго и от смерти избавляющаго, исцели и раба Твоего (рабу Твою) **имярек**, от обдержания его (ю) телесныя и душевныя немощи, и оживотвори его (ю) благодатию

Христа Твоего. Молитвами Пресвятыя Владычицы нашея Богородицы, и Приснодевы Марии: предстательства честных Небесных Сил безплотных: силою Честнаго и Животворящаго Креста: честнаго славнаго пророка, Предтечи и Крестителя Иоанна: святых славных и всехвальных апостолов: святых славных, и добропобедных мучеников: преподобных и богоносных отец наших: святых и исцелителей безсребренников, Космы и Дамиана, Кира и Иоанна, Пантелеимона и Ермолая, Сампсона и Диомида, Фотия и Яникиты: святых и праведных богоотец Иоакима и Анны: и всех святых.

Яко Ты еси Источник исцелений, Боже наш, и Тебе славу возсылаем, со Единородным Твоим Сыном, и Единосущным Твоим Духом, ныне и присно и во веки веков. Аминь.

По скончании же помазания нерей, взем святое Евангелие, и разгнув е, возлагает писмены на главе больнаго, и глаголет молитву сию:

Царю Святый, благоутробне и многомилостиве Господи Иисусе Христе, Сыне и Слове Бога Живаго, не хотяй смерти грешнаго, но яко обратитися, и живу быти ему. Не полагаю руку мою грешную на главу пришедшаго (пришедшия) к Тебе во гресех, и просящаго (просящия) у Тебе нами оставление грехов; но Твою руку крепкую и сильную, яже во святом

Евангелии сем, еже держу на главе раба Твоего (рабы Твоея) имярек: и молюся Ти, и прошу милостивное и непамятозлобное человеколюбие Твое, Боже, Спасителю наш, пророком Твоим Нафаном покаявшемуся Давиду о своих согрешениих оставление даровавый, и Манассину еже о покаянии молитву приемый: Сам и раба Твоего (рабу Твою) **имярек**, кающагося (кающуюся) о своих си согрешениих, прими обычным Твоим человеколюбием, презираяй вся его (ея) прегрешения.

Ты бо еси Бог наш, Иже и седьмьдесят крат седмерицею оставляти повелевый падающим в грехи: зане яко величество Твое, тако и милость Твоя, и Тебе подобает всякая слава, честь и поклонение, ныне и присно и во веки веков. Аминь.

Снемше же Евангелие с главы больнаго, дает целовати е.

И начинает чин, егда случится вскоре вельми больному дати

Причастие.

Аще же ни, Слава, и ныне:

Господи, помилуй (трижды) Благослови.

И отпуст:

Христос истинный Бог наш, молитвами Пречистыя Своея Матере; силою Честнаго и Животворящаго Креста; святаго славнаго и всехвальнаго апостола Иакова, брата Божия и перваго архидиакона Иерусалимскаго, и всех святых, помилует и спасет нас, яко благ и Человеколюбец.